

Bosna i Hercegovina
FEDERACIJA BOSNE I HERCEGOVINE
KANTONALNO TUŽILAŠTVO
TUZLANSKOG KANTONA
Broj: T03 0 KTK 0095644 21
Tuzla, 24.12.2021. godine

OPĆINSKOM SUDU
TUZLA

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, **podizem:**

O P T U Ž N I C U

PROTIV OSUMNJIČENE:

NERMINE HADŽIGRAHIĆ, kći Osmana, rođena 13.12.1962. godine u Loznici, Republika Srbija, neosudjivana.

ŠTO JE:

U vremenskom periodu od 24.02.2021.godine i dalje, u Tuzli, kao službena osoba na mjestu Rektorice JU Univerzitet u Tuzli kojoj je Zakonom o visokom obrazovanju TK povjereno vršenje javnih ovlaštenja u oblasti obrazovanja, svjesna da kao službena osoba neobavljanjem svojih službenih dužnosti drugom pribavlja kakvu korist što je i htjela, to i učinila na način da je,

postupajući suprotno odredbama člana 53, tačka a) i j) Zakona o visokom obrazovanju TK (Službene novine TK broj 7/2016, 10/2016, 5/2017, 15/2017, 15/2019, 9/2020 i 17/2021) kojim odredbama je propisano da Rektor zastupa i predstavlja Univerzitet te odlučuje o pravima, obavezama i odgovornostima zaposlenika iz radnog odnosa te suprotno članu 65, stav 1, tačke a), b) i l) Statuta JU Univerzitet u Tuzli (sjednica Senata JU Univerzitet u Tuzli od 03.02.2017.godine) kojim je propisano da Rektor zastupa i predstavlja Univerzitet, organizuje i rukovodi radom Univerziteta i odgovoran je za zakonitost njegovog rada, te odlučuje o pravima, obavezama i odgovornostima zaposlenika iz radnog odnosa u skladu sa zakonom, Statutom i opštim aktima, člana 67, stav 1 Statuta kojim je propisano da je Rektor odgovoran za zakonitost rada Univerziteta,

iako je bila upoznata da se u vezi sa raspisanim javnim konkursom za izbor kandidata u naučno nastavno zvanje „Biljna proizvodnja, šumarstvo i ribarstvo“ na Tehnološkom fakultetu Univerziteta u Tuzli, vodi sudski spor nakon izbora najboljeg kandidata, te da je Općinski sud Tuzla svojom presudom broj 32 0 Rs 332852 18 Rs od 06.06.2019.godine, koja presuda je

potvrđena presudom Kantonalnog suda Tuzla broj 32 0 Rs 332852 19 Rsž od 22.01.2021.godine, poništio Odluku o izboru kandidata u navedeno naučno-nastavno zvanje broj 03-7620-5.12/17 od 07.12.2017.godine i odluka broj 03-44-10/18 od 10.01.2018.godine potpisane od strane Nermine Hadžigrahić ako predsjedavajuće Senata Univerziteta u Tuzli, kojim odlukama je B.S imenovan kao najbolji kandidat u navedeno naučno-nastavno zvanje, te zasnovao radni odnos sa Univerzitetom u Tuzli po ugovoru od 18.01.2018.godine,

i nakon što su takve sudske odluke postale pravosnažne, a kojim odlukama je poništen pravni osnov za dalja agnažovanje B.S kao uposlenika u JU Univerzitet u Tuzli u navedenom naučno-nastavnom zvanju, kao i sve pravne posljedice koje su proizašle kao posljedica nezakonitosti takvih odluka o izboru istog u navedeno naučno-nastavno zvanje, nije preduzela potrebne radnje u cilju provođenja navedene pravosnažne presude Općinskog suda Tuzla i nije donijela odluku o prestanku radnog odnosa za B.S, te nastavka vođenja konkursne procedure po ranije raspisanom konkursu, na koji način je B.S omogućila korist u vidu nastavka radnog odnosa nakon 24.02.2021.godine kao dana prijema pravosnažne sudske odluke sa svim drugim pravima iz radnog odnosa

Dakle, kao službena osoba u Federaciji neobavljanjem svojih službeih dužnosti, drugom pribavila kakvu korist

Čime je počinila krivično djelo Zloupotreba položaja ili ovlaštenja iz člana 383, stav 1 KZ-a FBiH

Prijedlog tužioca:

DA SE OSUMNJIČENOJ IZREKNE SLJEDEĆA MJERA SIGURNOSTI I TO:

1. Predlažem da sud osumnjičenoj, na osnovu člana 76 KZ-a FBiH, **IZREKNE sigurnosnu mjeru ZABRANA OBAVLJANJA DUŽNOSTI REKTORA JU UNIVERZITET U TUZLI** u trajanju od najmanje 5 (pet) godina obzirom da je krivično djelo počinjeno u vezi sa vršenjem službene dužnosti, te da postoji opasnost da bi takvo obavljanje moglo poticajno djelovati da osumnjičena poćini novo krivićno djelo vezano uz svoju dužnost.
2. Predlažemo da sud, u smislu odredbe člana 214 Zakona o krivićnom postupku Federacije Bosne i Hercegovine, **PONIŠTI ugovor o radu zakljućen izmedju JU Univerzitet u Tuzli i dr.sc B.S broj 01-5968-2/20 od 08.12.2020.godine kao imovinsko pravni zahtjev oštećenog.**